



Planuar / Dorezuar Planned / Delivered	26.05	2022	viti god year
Organ /Njesia Org./Unit	Nr Prot Pr Prot No	Shtojca Prilog Appendix	Sasia Kolicina Quantity
SKIMSHICK	3061/2022		1/4



Republika e Kosovës
Republika Kosova – Republic of Kosovo

**KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
NEZAVISNI NADZORNI ODBOR CIVILNE SLUŽBEKOSOVA
INDEPENDENT OVERSIGHT BOARD FOR THE CIVIL SERVICE OF KOSOVO**

A.nr.357/2022

Këshilli i Pavarur Mbikëqyrës për Shërbimin Civil të Kosovës-Kolegji për Shqyrtimin dhe Vendosjen e Ankesave në përbërje nga: Jeton Koca-kryetar, Ardita Haxhnikaj-Demi dhe Arben Mehmeti-anëtarë, me Flakron Gashi-Zyrtar i Lartë për Bashkëpunim Profesional në cilësinë e procesmbajtësit, ka shqyrtuar ankesën A.nr.357/2022 të datës 12.04.2022 të parashtruar nga ankuesi me adresë banimi:

kundër Vendimit me numër 07/4 Prot.934 të

datës 28.02.2022 të Komisionit Disiplinor të Agjencisë për Zhvillimin e Bujqësisë, në çështjen juridike “masë disiplinore”, duke vepruar në pajtim me nenin 6 paragrafin 1 nën paragrafin 1.1 dhe nenin 18 paragrafin 1 nën paragrafin 1.1 të Ligjit Nr.06/L-048 për Këshillin e Pavarur Mbikëqyrës për Shërbimin Civil të Kosovës dhe Rregulloren Nr.02/2018 për Procedurën e Shqyrtimit dhe Vendosijes së Ankesave në Këshillin e Pavarur Mbikëqyrës për Shërbimin Civil të Kosovës, në seancën për Këshillin dhe votim të mbajtur me datën 26.05.2022, mori këtë:

V E N D I M

I. REFUZOHET si e pa bazuar ankesa me numër A.nr.357/2022 e datës 12.04.2022 e parashtruar nga ankuesi;

II. MBETET në fuqi Vendimi me numër 07/4 Prot:934 i datës 28.02.2022 i Komisionit Disiplinor të Agjencisë për Zhvillimin e Bujqësisë.

A r s y e t i m

Ankuesi i punësuar në Agjencinë e Zhvillimit të Bujqësisë, me datë 12.04.2022 ka parashtruar ankesë me Nr.Prot:2026/2022 në Këshillin e Pavarur Mbikëqyrës për Shërbimin Civil të Kosovës, kundër Vendimit me numër 07/4 Prot:934 të datës 28.02.2022 të Komisionit Disiplinor të Agjencisë për Zhvillimin e Bujqësisë, me pretendimet për shkelje të parimeve të rregullave të shërbimit civil dhe vërtetim të gabuar dhe jo të plotë të gjendjes faktike.

Këshilli i Pavarur Mbikëqyrës për Shërbimin Civil të Kosovës, bazuar në dispozitat e Rregullores Nr.02/2018 për Procedurën e Shqyrtimit dhe Vendosijes së Ankesave, me datë 15.04.2022 ankesën e ankuesit e ka proceduar për përgjigje në ankesë në Agjencinë për Zhvillimin e Bujqësisë, ndërsa Këshilli më datë 28.04.2022 ka pranuar përgjigjen në ankesë se bashku me shkresat e bashkëngjitura të lëndës.

Kolegji për Shqyrtimin dhe Vendosjen e Ankesave, për vërtetimin e plotë dhe të drejtë të gjendjes faktike si dhe vendosjes në mënyrë meritore, ka administruar këto prova: Ankesa e ankuesit e datës 12.04.2022 e parashtruar në Këshillin e Pavarur Mbikëqyrës për Shërbimin Civil të Kosovës; vendimin e Komisionit Disiplinor të Agjencisë për Zhvillimin e Bujqësisë me numër 07/4-934 i datës 28.02.2022; Kërkesën për përgjigje në ankesë të datës 15.04.2022; Përgjigjen në kërkesë të datës 28.04.2022 me numër protokoll:2413/2022 me shkresat e bashkangjitura të lëndës, Shkresën e datës 28.04.2022 me numër protokoll:28.04.2022; Akt emërimit e ankuesit të datës 20.11.2012; Konkursin e datës 14.12.2017; Ndryshimin dhe plotësimin e aktit të emërimit të ankuesit të datës 12.02.2018 me numër prot:401; Vendimin për pezullimin e ankuesit të datës 25.06.2021 me numër prot:07/4-444 i Komisionit Disiplinor; Fletë kthesat nga posta të datës 11.03.2022; E-mailin e dërguar nga _____ për _____ me korrespondencën e bashkangjitur prej dy (2) faqesh; Vendimi për themelimin e Komisionit Disiplinor i datës 30.03.2021; E-mailin e datës 25.01.2022 dërguar nga _____ për _____ Procesverbalin e Komisionit Disiplinor i datës 22.02.2022; Procesverbalin e Komisionit Disiplinor i datës 03.05.2021 me numër prot:3426; Vendimin e datës 20.08.2021 me numër prot:5480 për ndryshimin dhe plotësimin e vendimit Ref.AHZB.07/4/44/2021 të datës 30.03.2021; Shkresën e datës 26.05.2021 me numër prot:2545 dërguar nga _____ për Komisionin Disiplinor; E-mailin e datës 26.05.2021 dërguar nga _____ për _____ me korrespondencën e bashkangjitur prej dy (2) faqesh; Shkresën informuese të datës 03.03.2021 dërguar nga Policia e Kosovës për Ministrin e Ministrisë së Bujqësisë dhe Zhvillimit Rural; Vendimin e Zv. Kryeshefit Ekzekutiv të AZHB-së për pezullimin e parakohshëm nga marrëdhënia e punës për ankuesin i datës 30.03.2021; Kërkesën për marrje të dokumentacionit e datës 09.03.2021 dërguar nga MPB për Ministrinë e Bujqësisë dhe Zhvillimit Rural/AZHB; Kërkesën për marrje të dokumentacionit e datës 16.03.2021 dërguar nga MPB për Ministrinë e Bujqësisë dhe Zhvillimit Rural/AZHB; Kërkesën për sigurimin e informatave dhe dokumentacionit e datës 01.04.2021 me numër prot:1438; Kërkesën për marrje të dokumentacionit e datës 21.04.2021 dërguar nga MPB për Ministrinë e Bujqësisë dhe Zhvillimit Rural/AZHB; Kërkesën për marrje të dokumentacionit e datës 17.05.2021 dërguar nga MPB për Ministrinë e Bujqësisë dhe Zhvillimit Rural/AZHB; Njoftimin e Prokurorit të Shtetit i datës 12.05.2022 me numër të lëndës:2021:00114094 për _____ Kërkesën për marrje të dokumentacionit e datës 20.05.2021 dërguar nga MPB për Ministrinë e Bujqësisë dhe Zhvillimit Rural/AZHB; Kërkesën për marrje të dokumentacionit e datës 24.05.2021 dërguar nga MPB për Ministrinë e Bujqësisë dhe Zhvillimit Rural/AZHB; Vendimin për emërimin e Komisionin Disiplinor i datës 30.03.2021 me numër prot:1389; Kërkesën e datës 23.03.2021 _____ E-mailin e datës 23.03.2021 nga _____ me korrespondencën e bashkangjitur prej dy (20) faqesh; Shkresën për shqyrtimin e kërkesës së datës 25.03.2021 dërguar nga Komisioni Disiplinor i AZHB-së për Menaxheren e Personelit të AHZB-së; Shkresën për shqyrtimin e kërkesës e datës 18.03.2021 me numër prot:1226; E-mailin e datës 18.03.2021 dërguar nga _____ për _____ Vendimin me numër prot:5072 i datës 21.09.2020 për plotësimin dhe ndryshimin dhe vendimin numër reference:07/4/166/2019 të datës 12.09.2019; Vendimin e datës 12.09.2019 me numër:4015 për emërimin e kryetarit dhe anëtarëve të rregullt të Komisionit Disiplinor për AZHB; E-mailin e datës 12.03.2021 dërguar nga _____ për _____ E-mailin e datës 17.03.2021 dërguar nga _____ për _____

Kolegji për Shqyrtimin dhe Vendosjen e Ankesave, pasi ka shqyrtuar të gjitha shkresat e bashkangjitura të lëndës, ka konstatuar se ankesa e ankuesit, **është e pabazuar, sepse:**

Nga administrimit i provave materiale, Kolegji për Shqyrtimin dhe Vendosjen e Ankesave, konstaton se ankuesi në bazë të Akt Emërimit me numër Prot:4/01/2013 të datës 20.11.2012 është punësuar në pozitën "Shef i Divizionit të Pagesave Direkte", në Departamentin e Pagesave në kuadër të Agjencisë së Zhvillimit



lë Bujqësisë ndërsa sipas Ndryshimit dhe Plotësimit të Akt Emërimit i datës 12.02.2018 ankuesi është emëruar në pozitën “Drejtor i Pagesave Direkte” në kuadër të Agjencisë për Zhvillimin e Bujqësisë.

Bazuar në njoftimin e datës 03.03.2021 të Drejtorisë së Përgjithshme të Policisë së Kosovës, drejtuar Ministrin të Ministrisë së Bujqësisë, Pylltarisë, Zhvillimit Rural për çka AZHB është njoftuar me datë 10.03.2021 për arrestimin e zyrtarëve për dyshimin e kryerjes së veprës penale “marrje ryshfeti dhe dhënie ryshfeti”. Kryeshefi Ekzekutiv i AZHB-së nxjerr vendimin REF.AZHB-07/4/45/2021 të datës 30.03.2021 me numër të protokollit 1420 me të cilin vendim pezullohet nga puna ankuesi nga data 30.03.2021 deri na marrjen e vendimit të Komisionit Disiplinor si dhe zyrtari nga pika 1 e vendimit do të marrë 50% të pagës së tij gjatë tërë kohëzgjatjes së pezullimit deri në marrjen e vendimit tjetër.

Më datë 26.05.2021 Menaxherja e Personelit e AZHB-së ka përcjell pranë Komisionit Disiplinor të AZHB-së kërkesën e datës 26.05.2021 të Zëvendës Drejtorit Ekzekutiv për inicim të procedurës disiplinore ndaj ankuesit për dyshim të shkeljeve ligjore “keqpërdorim i pozitës apo autoritetit zyrtar”, andaj Komisioni Disiplinor ka nxjerr Vendimin me numër 07/4 me Prot.4444 të datës 25.06.2021 me të cilin vendim është pezulluar nga puna ankuesi Pas opinionit ligjor të Departamentit për Menaxhimin e Zyrtarëve Publikë të datës 24.02.2022, Komisioni Disiplinor me Vendimin me numër protokollit 934 të datës 28.02.2022, ka ndryshuar pikën tre (3) të Vendimit me numër 07/4 Prot:4444 të datës 25.06.2021, ashtu që ankuesit i është ndërprerë pagesa e 50% e pagës.

Ankuesi në ankesën e parashtruar në Këshillin e Pavarur Mbikëqyrës për Shërbimin Civil të Kosovës të datës 12.04.2022 lidhur me vendimin e Komisionit Disiplinor me numër 07/4 Prot.934 të datës 28.02.2022 ka pretenduar se ka shkelje të parimeve të rregullave të shërbimit civil dhe vërtetim të gabuar dhe jo të plotë të gjendjes faktike.

Kolegji për Shqyrtimin dhe Vendosijen e Ankesave, ka analizuar dispozitat e nenit 56 i Ligjit Nr. 06/L-114 për Zyrtarët Publikë lidhur me pezullimin sipas detyrës zyrtare, me të cilat është përcaktuar se: *Nëpunësi civil pezullohet, sipas detyrës zyrtare të organit përkatës të punëdhënësit, në rastet si në vijim: 1.1. në rastin e procedurës disiplinore sipas paragrafit 5 të nenit 48 të këtij ligji; ... ndërlidhur me këtë neni 48 paragrafi 5 i po këtij ligji parasheh se: Nëse ka arsye të besohet se vazhdimi i ushtrimit të detyrës nga nëpunësi civil, ndaj të cilit ka filluar një procedurë disiplinore, pengon hetimin disiplinor apo mund të cenojë ushtrimin e përshtatshëm të detyrës së tij, komisioni disiplinor mund të vendosë pezullimin e nëpunësit civil ose të marrë çdo masë tjetër të përshtatshme, deri në marrjen e vendimit përfundimtar”,* rrjedhimisht në kuptim të këtyre dispozitave ligjore Kolegji konstaton se Komisioni Disiplinor mund të zbatoj masën e pezullimit të nëpunësit civil ndaj të cilit është duke u zhvilluar procedura disiplinore, në rast se vlerëson se qëndrimi apo ushtrimi i detyrës nga nëpunësi civil do të pengonte hetimin disiplinor apo do të përbënte cenin të detyrave të tij të punës.

Po ashtu, Kolegji duke u bazuar në dispozitat e nenit 58 paragrafi 4 të Ligjit Nr. 06/L-114 për Zyrtarët Publikë, i cili përcakton se: *4. Nëpunësi civil gjatë periudhës së pezullimit nuk përfiton pagë, me përjashtim në rastin e përcaktuar në paragrafin 1.1 të nenit 56, në rast se procedura përfundon pa një masë disiplinore dhe në rastin e përcaktuar në paragrafin 1.7 të nenit 56, nëpunësi përfiton 50 për qind të pagës së plotë, duke përjashtuar çdo lloj shtese në pagë për një periudhë pezullimi deri në 6 muaj,* konstatoi se në rast të pezullimit të nëpunësit civil sipas nenit 56 paragrafi 1 nën paragrafi 1.1 të këtij Ligji, kompensimi prej 50% e pagës do të behët vetëm për një periudhë deri në gjashtë (6) muaj të pezullimit, rrjedhimisht çdo pezullim i vazhduar pas kësaj periudhe nuk bart të drejtën e kompensimit prej 50% të pagës së nëpunësit civil të pezulluar, andaj mbi këto arsye ligjore rezulton se janë të pabazuara pretendimet ankimore të ankuesit.

Kolegji i Këshillit nga analizimi i vendimit të kundërshtuar me ankesë verën se i njëjti ju referohet pesë (5) nëpunësve civil, ku që të gjithë janë pezulluar nga Komisioni Disiplinor deri në një vendim tjetër, kështu që refuzimi i ankesës A.nr.357/2022 të datës 12.04.2022 dhe lënia në fuqi e Vendimit me numër protokoll 934 të datës 28.02.2022 të Komisionit Disiplinor të Agjencisë për Zhvillimin e Bujqësisë, i referohet vetëm rastit që ka të bëjë me ankesën e ankuesit.

Siç u tha me sipër, Kolegji për Shqyrtimin dhe Vendosjen e Ankesave pas shqyrtimit të shkresave të lëndës si dhe duke u bazuar në nenin 18 paragrafin 1 nën paragrafin 1.1 të Ligjit Nr. 06/L-048 për Këshillin e Pavarur Mbikëqyrës për Shërbimin Civil të Kosovës si dhe nenin 132 paragrafit 2 të Ligjit Nr.05/L-031 Për procedurën e Përgjithshme Administrative, vendosi si në dispozitiv të këtij Vendimi.

Vendimi hyn në fuqi në ditën e nënshkrimit nga Kryetari i Kolegjit.

Këshillë juridike: Kundër vendimit të Këshillit, pala e pakënaqur e cila pretendon se vendimi i Këshillit nuk është i ligjshëm mund të iniciojë konflikt administrativ në Gjykatën Themelore në Prishtinë–Departamenti për Çështje Administrative, brenda afatit prej tridhjetë (30) ditësh nga dita në të cilën i është dorëzuar vendimi. Inicimi i konfliktit administrativ nuk e ndalin ekzekutimin e këtij vendimi.

KËSHILLI I PAVARUR MBIKËQYRËS PËR SHËRBIMIN CIVIL TË KOSOVËS
Lënda me numër A.nr.357/2022

Flakron GASHI

Zyrtar i Lartë për Bashkëpunim Profesional



Vendimi i dërgohet

- Ankuesit
- Kryeshefit Ekzekutiv të Agjencisë për Zhvillimin e Bujqësisë;
- Udhëheqësit të Njësisë së Burimeve Njerëzore në Agjencisë e Zhvillimit të Bujqësisë; dhe
- Arkivit të KPMSHCK-së.